

Siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat

(Aningaasaqarnermut Nunamullu Namminermet Naalakkersuisoq)

Akissuteqaat

(Aningaasaqarnermut Nunamullu Namminermet Naalakkersuisoq)

Aappassaanneerneqarnera

Naalakkersuisut sinnerlugit, Aningaasaqarnermut Akileraartarnermullu Ataatsimiititaliaq qutsavigissavara inatsisissatut siunnersuutip suliarinerani sukumiisumik sulisimanera pillugu.

Naalakkersuisut nuannaarutigisaminnik maluginiarpaat, siunnersuut ataatsimiititaliami amerlane-russuteqartunit tapersorsorneqartoq.

Aaqqissuussinermik "carry back"-imik taaneqartartumik, suliffeqarfiit aallarterlaat mikisut atuisinnaanerisa attatiinnarneqarnissaanik ataatsimiititaliap apeqqutaa, ataatsimiititaliap isumaliutissiissutaanut, ilaatigut aaqqissuussinerup amerlanertigut taamaallat ingerlatseqatigiiffiit akiligassaqarfiinit iluaqutigineqarneranik oqariartuutilimmut Naalakkersuisut innersuussinissaannik patsisissaqartitsilerpoq. Suliffeqarfinnik aallartitsiniartunik tapiisarneq akileraartarnermi maleruagassat malitsikkuminaatsut atorlugit ingerlattaqariaqanngilaq. Naleqqunnerusaaq tapiissutit toqqaannartumik siunertamullu sammivilerlugit aallartitsiniaasumut tunniunneqartarpat. Taamatut iliornikkut suut atuutuuneri peqataasunit tamanit ajornannginnerusumik takuneqarsinnaalissavoq.

Aappassaanneerneqarnissaanut Naalakkersuisut allanngutissamik saqqummiussaqarput. Siunnersuutip kingunerissavaa, akilerarutininik A-nik akiliinissamut piffissaliussap ullormik ataatsimik kinguartinneqarnera. Kinguartitsineq Nets-imi atortorissaarutitigut pisinnaasanut akileraarutit A-nik akiligassiisarnermi piomasaaqatitut attuumassuteqarpoq. Allaanngutissatut siunnersuut tassungalu oqaaseqaatit innersuussutigissavakka.

Taamatut oqaaseqarlunga Naalakkersuisut sinnerlugit innersuutigissavara, siunnersuut Naalakkersuisut allanngutissatut siunnersuutaanik ilallugu pingajussaanneerneqarnissaminut ingerlatinneqasasooq.